



UGOVOR O KUPOPRODAJI GORIVA I MAZIVA

UGOVORNI ORGAN:

JAVNA USTANOVA PSIHIJATRIJSKA BOLNICA KANTONA SARAJEVO, ID broj: 4200124040004, Nahorevska 248, Sarajevo, po zastupniku direktoru Ahmić dr Muhamedu i

PRODAVAC:

“EL TARIK OIL BENZINSKE STANICE” D.O.O. Sarajevo, ID broj: 4200031380000 Ćamila Sijarića 26, Sarajevo, po zastupniku direktoru Bakir Ćengić

I PREDMET UGOVORA

Član 1.

Predmet ovog ugovora je nabavka goriva za transport i radove i maziva za potrebe Javne ustanove Psihijatrijska bolnica Kantona Sarajevo (u daljem tekstu-kupac).

II CIJENA

Član 2.

“EL TARIK OIL BENZINSKE STANICE” d.o.o. Sarajevo (u daljem tekstu-prodavac) se obavezuje da će imati nepromjenjivu cijenu nabavke, koja je sastavni dio ovog ugovora iz ponude, koja iznosi 5.794,99 KM, tokom ugovornog perioda.

III USLOVI I NAČIN PLAĆANJA

Član 3.

Prodavac se obavezuje da će predmetnu nabavku isporučivati kupcu sukcesivno i kontinuirano, u roku od jedan dan od zaprimljene narudžbe. Kupac će na osnovu narudžbenice-specifikacije roba preuzimati gorivo i mazivo na benzinskoj stanici prodavca.

Evedentiranje utočenih količina i vrsta preuzetih roba (goriva i maziva), na benzinskoj stanici se očituje potpisom ovlaštene osobe od strane kupca.



Član 4.

Kupac se obavezuje da će plaćanje za isporučeno gorivo i mazivo izvršiti u roku 15 dana, od dana zaprimanja fakture.

Prodavac će Kupcu dostaviti račun o izdatim gorivima i mazivima, koje kupac bude preuzimao na benzinskoj stanici, na osnovu specifikacije izdate od strane Kupca.

Član 5.

Važnost ovog Ugovora je do isporuke cijele količine roba navedenih u ponudi prodavca.

Član 6.

Prava i obaveze ugovornih strana koje nisu utvrđene ovim ugovorom regulisat će se u skladu sa odredbama Zakona o obligacionim odnosima.

Član 7.

Ako u toku izvršenja ovog Ugovora dođe do značajnijeg poremećaja u snabdijevanju robama koje su predmet Ugovora zbog djelovanja više sile, prodavac je dužan u roku od 24 sata obavijestiti kupca telefaksom ili na bilo koji drugi način, a u roku od 3 (tri) dana saopštiti konkretne oblike više sile.

Ovisno o očekivanom trajanju više sile, ugovorne strane će se dogovoriti o novim rokovima isporuke ili raskidu Ugovora.

Član 8.

Ugovorne strane mogu sporazumno raskinuti ovaj Ugovor ako se o tome dogovore.

Ugovorne strane mogu i jednostrano raskinuti ovaj Ugovor ukoliko jedna ugovorna strana ne izvršava obaveze preuzete ovim Ugovorom. O jednostranom raskidu Ugovora ugovorna strana dužna je obavijestiti drugu ugovornu stranu najmanje u roku od 5 (pet) dana prije dana koji je odredila kao dan kad prestaju njegova prava i obaveze iz ovog Ugovora.

Član 9.

Za eventualni spor koji nastane izvršavanjem ovog Ugovora, a koji ugovorne strane ne mogu riješiti sporazumno, nadležan je Općinski sud u Sarajevu.



Član 10.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Broj: 28-11/2017-ECT
Sarajevo, 24.02.2017.godine

Broj: 064-622/17
Sarajevo, 24.02.2017. godine

ZA PRODAVCA

**Direktor
Čengić Bakir**



ZA KUPCA

**Direktor
Ahmić dr Muhamed**

